

**სიცოცხლის, ჯანმრთელობისა და შრომის უსაფრთხო გარემოს უზრუნველყოფის
პირობების დაცვასთან დაკავშირებული ზოგადი ინსტრუქციები**

1. კოლეჯი ვალდებულია დასაქმებულებსა და პროფესიულ სტუდენტებს შეუქმნას შრომის ჯანსაღი და უსაფრთხო გარემო პირობები, შეასრულოს შრომის უსაფრთხო გარემოს უზრუნველყოფის პირობების დაცვასთან დაკავშირებული წესები. განახორციელოს ღონისძიებები ტექნიკის უსაფრთხოებისა და სანიტარულ-ჰიგიენური ნორმების დაცვის სფეროში.
2. კოლეჯის ადმინისტრაცია პასუხისმგებელია დასაქმებულთა, პროფესიული განათლების მასწავლებელთა და პროფესიულ სტუდენტთა უსაფრთხოებასა და ჯანსაღი გარემოს შექმნაზე კოლეჯში მათი ყოფნისა და კოლეჯის მიერ ორგანიზებულ ღონისძიებებში მონაწილეობის დროს.
3. კოლეჯი ვალდებულია, დაიცვას საქართველოს განათლებისა და მეცნიერების მინისტრის 2010 წლის 20 აპრილის „საგანმანათლებლო დაწესებულებებში უსაფრთხოების მიზნით გასატარებელ ღონისძიებათა ინსტრუქციის დამტკიცების შესახებ“ N28/წ ბრძანება.
4. დასაქმებულების, პროფესიული სტუდენტებისა და კოლეჯის ტერიტორიაზე მყოფი პირებისათვის შესასრულებლად სავალდებულოა უსაფრთხოების უზრუნველყოფის, პირველადი დახმარების აღმოჩენისა და ხანძარსაწინააღმდეგო წესების შესრულება კოლეჯის დირექტორის 2013 წლის 31 დეკემბრის N51 ბრძანების, საქართველოს შრომის კოდექსითა და სხვა ნორმატიული აქტების შესაბამისად.
5. აკრძალულია კოლეჯის შენობაში ადვილად აალებადი, ფეთქებადი და მხუთავი აირების შემცველი ნივთიერებების შეტანა;
6. დასაქმებული ვალდებულია:
 - ა) დაიცვას კოლეჯის შინაგანაწესის პირობები;
 - ბ) შეასრულოს კოლეჯის ადმინისტრაციის მითითებები;
 - გ) გაუფრთხილდეს მასზე მინდობილ კოლეჯის ქონებას, დაზიანების ან დანაკლისის აღმოჩენის შემთხვევაში დაუყოვნებლივ წარუდგინოს კოლეჯის დირექტორს/შესაბამის პასუხისმგებელ პირს სამსახურებრივი ბარათი აღნიშნული ფაქტის შესახებ, წინააღმდეგ შემთხვევაში მასზე მინდობილი ქონების დაკარგვის შემთხვევაში ვალდებულია აანაზღაუროს მისი ბრალეული ქმედების შედეგად კოლეჯისათვის მიყენებული მატერიალური ზიანი;
 - დ) კეთილსინდისიერად შეასრულოს მასზე დაკისრებული მოვალეობები;
 - ე) წესრიგში იქონიოს თავისი სამუშაო ადგილი, დაიცვას სისუფთავე და სიმშვიდე დაწესებულებაში.
7. დასაქმებული, რომელიც არასამუშაო დროს იმყოფება სამუშაო ადგილზე და ახორციელებს მისთვის მინიჭებულ უფლება-მოვალეობებს, ამავე დროს ვალდებულია დაიცვას შრომის უსაფრთხო გარემოს უზრუნველყოფის პირობების დაცვასთან დაკავშირებული წესები და გაუფრთხილდეს კოლეჯის ქონებას.
8. დასაქმებული ვალდებულია გაუფრთხილდეს კოლეჯის მიერ სამუშაოს შესასრულებლად მასზე გადაცემულ გასაღებს/გასაღებებს (ასეთის არსებობის შემთხვევაში) და არ დაუშვას უშუალო ხელმძღვანელის ნებართვის გარეშე მათი გადაცემა მესამე პირთა მფლობელობაში.
9. კოლეჯში ფუნქციონირებს პირველადი დახმარებისათვის საჭირო მედიკამენტებით აღჭურვილი სამედიცინო დახმარების კაბინეტი, რომელსაც ხელმძღვანელობს მედდა შესაბამისი კომპეტენციის ფარგლებში, წინააღმდეგ შემთხვევაში, გამოძახებულ იქნება სასწრაფო დახმარება.
10. კოლეჯი იღებს ვალდებულებას მედიკამენტების ვარგისიანობაზე. შესაბამისად, მედდის მიერ გადამოწმებული იქნება არსებული და შესაძენი მედიკამენტების ვარგისიანობა და შემდგომ მათი გამოყენება.
11. ცენტრში უსაფრთხოებისა და წესრიგის დაცვის უზრუნველყოფის მექანიზმებია:
 - ა) დაცვის თანამშრომელი, ვიდუოკამერები ეზოსა და ყველა სართულზე;
 - ბ) თვალსაჩინო ადგილზე განთავსებული ხანძარსაწინააღმდეგო ინვენტარი;
 - გ) ყველა სართულზე თვალსაჩინო ადგილზე გამოკრული ევაკუაციის გეგმა და ევაკუაციის პროცედურები, რომლის თანახმადაც ხორციელდება შენობის უსაფრთხო დატოვება.
12. ცენტრი უფლებამოსილია განახორციელოს ისეთი ქმედება პროფესიულ სტუდენტთა და დასაქმებულთა უსაფრთხოების, სიცოცხლის, ჯანმრთელობისა და შრომის უსაფრთხო გარემოს დასაცავად, რომელიც წინამდებარე წესით/შინაგანაწესით არ არის განსაზღვრული, თუმცა, შესაძლოა შეესაბამებოდეს საქართველოს მოქმედ კანონმდებლობასა და დამდგარ ფაქტობრივ მდგომარეობას.
13. საგანგებო ვითარების დროს, საჭიროების შემთხვევაში, კოლეჯის ადმინისტრაცია უკავშირდება შესაბამის უწყებებს (საგანგებო სიტუაციების მართვის სააგენტოს (112) და ა.შ).
14. კოლეჯის ტერიტორიაზე სამოქალაქო უსაფრთხოების დაცვის მიზნით კოლეჯის დირექტორის 2015 წლის 30 დეკემბრის №174 ბრძანებით შექმნილია საგანგებო შტაბი, რომლის მიზანია ბუნებრივი და ტექნოგენური ხასიათის საგანგებო სიტუაციებისაგან პროფესიულ სტუდენტთა და დასაქმებულთა დაცვის სერთო ორგანიზაციულ-სამართლებრივი ღონისძიებების წარმართვა. ასევე, საგანგებო სიტუაციების თავიდან აცილების, მისი განვითარების შემთხვევაში შედეგების შერბილებისა და ლიკვიდაციის ღონისძიებების შემუშავება და ორგანიზება, საფრთხეების იდენტიფიცირება და შეფასება, საგანგებო სიტუაციის ზონაში აღდგენითი სამუშაოების, საავარიო-სამაშველო სამუშაოების და სხვა გადაუდებელი სამუშაოების განხორციელება, აგრეთვე მსგავსი ტიპის სამუშაოების განსახორციელებლად შესაბამის უფლებამოსილ ორგანოებთან დაკავშირება.
15. კოლეჯის ტერიტორიაზე სკოლის მოსწავლეების/მცირეწლოვანი ბავშვების ვიზიტის შემთხვევაში, საჭიროა მათი მუდმივი მეთვალყურეობა თანმხლები პასუხისმგებელი პირის/ების მიერ. არ შეიძლება სკოლის მოსწავლეების/მცირეწლოვანი ბავშვების შემუშავება საფრთხის შემცველ ადგილებში ან ნებისმიერ სხვა ადგილას (მაგ. კოლეჯის აუდიტორია, ინოვაციური ტექნოლოგიების ლაბორატორია), სადაც ზედამხედველი პირი ჩათვლის, რომ ელექტროჩამრთველების, ელექტრომოწყობილობებისა და ციფრული ტექნოლოგიების უნებართვო გამოყენება საფრთხის შემცველია.
16. კოლეჯის ტერიტორიაზე შესაძლოა განხორციელდეს სავალდებულო სამუშაოები კონკრეტული პროფესიული საგანმანათლებლო პროგრამის ფარგლებში. სავალდებულო სამუშაოების დროს გამოყოფილი უნდა იყოს ზედამხედველი პირი ან პროფესიული განათლების მასწავლებელი. პროფესიული სტუდენტები სასწავლო/საწარმოო პრაქტიკის დაწყებამდე ხელმოწერით ადასტურებენ უსაფრთხოების წესების გაცნობის ფაქტს და სავალდებულო სამუშაოების პირობებში აღჭურვილნი არიან შესაბამისი ინვენტარითა და უნიფორმით.
17. კოლეჯის ტერიტორიაზე/სამუშაო სივრცეში მყოფი დასაქმებული/სხვა პირი ვალდებულია იხელმძღვანელოს შრომის უსაფრთხოების დაცვასთან დაკავშირებული ინსტრუქციებით, სამართლებრივი ნორმებით, ამ წესითა და დამემორჩილოს დადგენილ სამუშაო პროცედურებს. არ გამოვსადიდეს სამუშაოზე ალკოჰოლური, ნარკოტიკული, ტოქსიკური ან ფსიქოტროპული სიმთვრალის მდგომარეობაში და სამუშაოს შესრულებისას არ მოიხმაროს ასეთი მდგომარეობის გამომწვევი ნივთიერებები, დაემორჩილოს კოლეჯის ტერიტორიაზე/სამუშაო სივრცეში თამბაქოს მოხმარების შესახებ აკრძალვებს.